

嘉業堂
叢書

司空表聖詩文集

第二冊



司空表聖詩卷第一

河中 司空圖 表聖

塞上

萬里隋城在三邊虜氣衰
沙填孤障角燒斷故關碑
馬色經寒慘鵬聲帶晚悲
將軍正閒暇留客換歌辭

寄永嘉崔道融

旅寓雖難定乘閒是勝遊
碧雲蕭寺霽紅樹謝村秋
戍鼓和潮暗船鐙照島幽
詩家多滯此風景似相留

下方

三十年來往中閒京洛塵
倦行今白首歸臥已清神
坡煖冬抽紀事筍松涼夏健人
更慚徵詔起避世卽非真

華下

日炙旱雲裂迸爲千道血天地沸一鑊竟自烹妖孽堯
湯遇災數災數還中輒何事姦與邪古來難撲滅

僧舍貽友

笑破人間事吾徒莫自欺解吟僧亦俗愛舞鶴終卑竹
上題幽夢谿邊約敵棋舊山歸有阻不是故遲遲

下方

昏旦松軒下怡然對一瓢雨微吟思

一作春未

足花落夢無

聊細事當棋遣衰容喜鏡饒谿僧有深趣書至又相邀

一作招

華下送文浦

一作渭

郊居謝名利

舊史云河北亂圖寓華陰

何事最相親漸與論詩久皆

知得句新川明虹照雨樹密鳥衝人應念從今去還來
嶽下頻

自誠

我祖銘座右嘉謀貽厥孫勤此苟不怠令名日可存媒
街士所恥慈儉道所尊松柏豈不茂桃李亦自繁眾人
皆察察而我獨昏昏取訓於老氏大辯欲訥言

效陳拾遺子昂感遇三首

高燕飛何捷啄害恣羣雛人豈玩其暴華軒容爾居強
欺自天稟剛吐信吾徒乃知不平者矯世道終孤

陽和含煦潤卉木競紛華當爲眾所悅私已汝何誇北

里祕穠豔東園鎖名花豪奪乃常理笑君徒咄嗟
醜婦競簪花花多映愈醜鄰女恃其姿掇之不盈手量
已苟自私招損乃誰咎寵祿旣非安於吾竟何有

感時

好鳥無惡聲仁獸肯狂噬寧教鸚鵡啞不遣麒麟吠人
語與默唯觀利與勢愛毀亦自遭掩謗終失計

秋思

身病時亦危逢秋多慟哭風波一搖蕩天地幾翻覆孤
螢出荒池落葉穿破屋勢利長草草何人訪幽獨

蚤春

傷懷同

一作仍

客處病眼卻花朝草嫩侵沙短

紀事作長冰輕

著雨消風光知可愛容髮不相饒蚤晚丹正去一作飛

書肯

英華作首

見招

上陌梯寺懷舊僧二首

雲根禪客居皆說舊吾廬松日明金像山風一作苔龕嚮木

魚依棲應不阻名利本來疏縱有人相問林閒嬾拆書

高鴉隔谷見路轉寺西門塔影蔭泉脈山苗侵燒痕鐘

疏含杳藹閣

一作閣

迴亘黃昏更待他僧到長如前信存

寄懷元秀上人

悠悠干祿利草草廢漁樵身世堪惆悵風騷頓一作頗寂

寥高秋期步野積雨放趨朝得句如相憶莎齋且見招

次韻和秀上人遊南五臺

中峰曾到處題記沒蒼苔振錫傳深谷翻經想舊臺危

松臨砌偃驚鹿驀谿來內殿御

一作詩切

師以文身迴

心未迴

僧圓昉公

昉蜀僧僖宗幸蜀昉堅免紫衣

天階讓紫衣冷格鶴猶界道勝嫌名出身閒覺老遲曉

一作晚

香延宿火寒磬度高枝每說長松寺他年與我期

居長松山

贈信美寺岑上人

巡禮諸方徧湘南頻有緣焚香老山寺乞食向江船紗

碧籠名畫鐙寒照淨禪我來能永日蓮漏滴寒泉

一作階前

江行二首

地闊分吳塞楓高映楚天曲

一作迴

塘春盡雨方響夜深

船

舊唐書方響以鐵爲之長九寸廣二寸員上方下

行紀添新夢羈愁甚往年

何時京洛路馬上見人煙

初程風信好迴望失津樓日帶潮聲晚煙含楚色秋成

旗當遠客島樹轉驚鷗此去非名利孤帆任白頭

長安贈王注

紀事作法

正下搜賢詔多君獨避名客來當意愜花發遇歌成樂

地留高趣權門讓後生東方御閒駟

一作東風閒小駟

園外好

同行

贈李員外

危橋轉谿路經雨石叢荒幽瀑下仙果孤巢懸夕陽病

言名一
辭青瑱祕心在紫芝房更喜諧招隱詩家有望郎

寄鄭仁規

清才鄭小戎標的貴遊中萬里雲無侶三山鶴不籠
香和丹地煥晚著采衣風榮路期經濟唯應在至公

寄考功王員外

喜聞三字耗閒客是陪遊白鳥閒疏索青山日滯留
琴如高韻稱詩媿逸才酬更免匡君志論思在獻謀

雜言

鳥飛飛兔蹶蹶朝來暮去驅時節女媧祇解補青天不
解煎膠黏日月

陳疾

自憐旅舍亦酣歌世路無機奈爾何霄漢逼來心不動
鬢毛白盡興猶多殘陽暫照鄉關近遠鳥因投嶽廟過
閒得此身歸未得磬聲深夏隔煙蘿

浙川二首

是今鄖陽府地在秦楚之交故有秦雲楚雨之句

華下支離已隔河又來此地避干戈山田漸廣猿時鼓
頻作到村舍新添燕亦多丹桂石枬宜並長秦雲楚雨暗
相和兒童栗熟迷歸路歸得仍隨牧豎歌

西北鄉關近帝京煙塵一片正傷情愁看地色連空色
靜聽歌聲似哭聲紅蓼滿英華作遮村人不在青山繞檻路
難平從他煙棹更南去休向津頭問去程

山中

全家與

鼓吹作爲

我戀孤岑蹋得蒼苔一徑深逃難人多分

隙地放生麋

英華作鹿

大出寒林名應不朽輕仙山一作骨理

到忘機近佛心昨夜前谿驟雷

一作雲又作風

雨晚晴閒一作獨

步數峰吟

鼓吹作數谿禽

寄贈詩僧秀公

靈一心傳清塞心可公吟後礎公吟近來雅道相親少

惟仰吾師所得深好句未停無暇日舊山歸老有東林

冷曹孤宦甘寥落多謝攜筇數訪尋

重陽日訪元秀上人

紅葉黃花秋景寬醉吟朝夕在樊川卻嫌今日登山俗

且共

一作共與

高僧對榻眠別畫長懷吳寺壁宜茶偏賞雪

谿泉歸來童穉爭相笑何事無人與酒船

丁未歲歸王官谷

家山牢落戰塵西匹馬偷歸路已迷
冢上卷旗人簇立花邊移寨鳥驚啼
本來薄俗輕文字卻致中原動鼓鼙
將取一壺閒日月長歌深入武陵谿

書懷

病來猶強引雛行力上東原欲試耕
幾處馬嘶春麥長一川人喜雪峰晴
閒知有味心難肯道貴謀安迹易平
陶令若能兼不飲無弦琴亦是沽名

退棲

宦遊蕭索爲無能移住中條最上層
得劍乍如添健僕

亡書久似失

紀事作憶

良朋燕昭不是空憐馬支遁何妨亦

愛鷹自此致身繩檢外肯教世路日兢兢

五十

閒身事少只題詩五十今來覺陡衰清秩偶叨非養望
丹方頻試更堪疑髭鬚強染三分折絃管遙聽一半悲
漉酒有巾無黍釀負他黃菊滿東籬

新歲對寫真

得見明時下壽身須甘歲酒更移巡生情暗結千重恨
寒勢常欺一半春文武輕銷丹竈火市朝偏貴黑頭人
自傷衰颯慵開鏡擬與兒童別寫真

華下

簪冠新帶步池塘逸韻偏宜夏景長
扶起綠荷承蚤露驚迴白鳥入殘陽
久無書去干時貴時有僧來自故鄉
不用名山訪真訣退休便是養生方

重陽山居

詩人自古恨難窮暮節登臨且喜同
四望交親兵亂後一川風物笛聲中
菊殘深處迴幽蝶陂動晴光下蚤鴻
明日更期來此醉不堪寂寞對衰翁

爭名

爭名豈在更搜奇不朽纔消一句詩
窮辱未甘英氣阻乖疏還有正人知
荷香浥露侵衣潤松影和風傍枕移
只此共棲塵外境無妨亦戀好文時

光啟四年春戊申

一作歸王官次年作

亂後燒殘數架書峰前猶自戀吾廬忘機漸喜逢人少
覽鏡空憐待鶴疏孤嶼池痕春漲滿小闌花韻午晴初
酣歌自適逃名久不必門多長者車

丁巳重陽

重陽未到已登臨探得黃花且獨斟客舍喜逢連日雨
家山似響隔河砧亂來已失耕桑計病後休論濟活心
已且病焉安能活人自賀逢時能自棄歸鞭惟拍馬羈吟

喜王駕小儀重陽相訪

白菊初開臥內明聞君相訪病身輕樽前且撥傷心事
谿上還隨覓句行幽鶴傍人疑舊識殘蟬向日噪

一作噪日

向新晴擬將寂寞同留住且勸康時立大名

酬張芬赦後見寄

紫鳳朝銜五色書陽春忽布網羅除已將心變寒灰後
豈料光生腐草餘建水風煙收客淚杜陵花竹夢郊居
勞君故有詩相贈欲報瓊瑤媿不如

上元日放二雉

嬰網雖皆困塞籠喜共歸無心期爾報相見莫驚飛

中秋

閒吟秋景外萬事覺悠悠此夜一作若無月一年虛一作
空過秋

偶題

水榭花繁處春晴日午前鳥窺臨檻鏡馬過隔牆鞭

閒步

幾處白煙斷一川紅樹時壞橋侵轍水殘照背村碑

春中

伏溜侵階潤繁花隔竹香嬌鶯方曉聽無事過南塘

獨望

綠樹連村暗黃花入麥稀遠陂春草綠猶有水禽飛

雜題

孤枕聞鶯起幽懷獨悄然地融春力潤花泛曉光鮮

漫題三首

亂後他鄉節燒殘故國春自憐垂白首猶伴蹋青人